

皇清文穎續編

皇清文穎續編卷三十

頌

聖駕東巡恭謁

祖陵頌 謹序

翁方綱

臣方綱言

臣

竊仰稽邃古昊穹生民以來竹素

所紀豐功茂祐觀揚光烈烏奕乎萬禩未有崇  
備景鑠如今日之盛也往者

三巡之典篤慶單厚光被六幕旣禮隆而祐錫矣茲

蓋恭逢

人道化成之昌辰

至德之精格

皇天術

列祖秩文益虔受祺益固沛澤益普皇哉滂洋乎經  
義所未殫述已昔周人歌后稷之業洎於公劉  
慶節肇土沮漆多雅什推木之詞未聞成康哲  
王自敘其締造艱難之實惟我

皇上敬念

祖德每於恭謁

祖陵履

肇基之地凜

創業之緒皇皇

聖文載垂法守慶隆歌舞之聲盈乎天地此從古聖

帝明王所未有之撰述也經所聞者配命作求

適追來孝皆就嗣業言之而未實徵於政事也

我

皇上敬

天之心卽法

祖之心勤民之事皆法

祖之事凡厥教養之務幾康之勅

宵旰殷勞時刻如陟降巘原之日對揚臨保之思此

從古聖帝明王所未宣之謨烈也自有商長發

暨周詩旱麓諸篇僅言祭禮而上陵之制載於

漢史禮儀輿服諸志以逮後世樂府饗獻之詞  
特具述儀度耳我

皇上至孝至誠致敬致懋

躬親展謁

祖陵茲逢四舉盛典凡所以稟監觀而肅君宗者不  
僅在於玉瓚黃流清酒駢牡間而已此從古聖  
帝明王所未逮之典禮也時方恭逢

玉冊

玉寶鉅典聿崇以光

孝享瑞氣徹於慶霄矣况修葺城垣度功竣事伊減

伊匹正

大禮慶成之時而

文治光華適際四庫告藏皮書

文溯閣萬卷會極四海仰流淵源津逮皆朝宗東

注而滙於

天府宛委之奧區於是百昌畢萃萬福來同不特霑

恩荷賚之臣

蠲租賜賦之民相與歡呼頂祝蹈德詠仁而光天之  
下暢垓源誕祥和布濩猗歟盛哉胥禔福於無

疆已臣恭迎

蹕路竊見霽景之暄秋陽之麗山川妍和海天喜氣  
皆由

聖主誠敬仁惠之至意載與俱來也而沿途村落遠  
近畦塍萬寶慶成困京時億道旁白叟黃童忻



忻熙熙皆各得其真樂以共遊於祥雲瑞日幘

幘照耀之中

臣

故推測經義所陳典章之懿美

品式之周備錫祉之溥洽未有盛於

今日者也

臣

謹撰頌九章附於衢壤歌謠以獻

聖祐之豐

聖孝之崇

德叶

昊穹

心切

祖功精誠貫通臨保肅雍懷愾敬恭秩釐有融

鉅典彌隆

久道延洪萬福會同萬邦君宗翼

輦祥風扶桑雲紅金秋律筩敬瞻大東

一章

載省厥山于胥斯原松杏是沿於塔於連層岡迴盤

一氣桓桓呂翁山前仰

創業艱難至於薩爾許

書事鴻篇

宸翰光昭於覲於宣昔周公劉旅處語言未若我

皇親御丹鉛煌煌

天文照耀山川百靈翕對鏘應於和鑾

四巡益虔百祥益駢

奎藻合編金石永延

二章

峻極長白

天峙雄秀

啟運救我神榆鬱茂

天柱巍尊靈耀躔宿

隆業萃律環拱羣岫

景命逾申

景福逾懋

帝親拜謁丕顯

神祐

四來彌殷

一誠上奏大精馨香禹寶登豆松柏靈風雲韶響竹  
旭卉

神緯日星簷霽赫眎瞻依

弓矢甲冑大白小白猛氣猶舊千峯百瀆祥凝瑞湊  
積和積祐昌熾而富

錫慶壤壤醲於醇酎穆穆

道光榮鏡宇宙

三章

蕭若舊典倍嘗

新釐秩厥篤祐備厥隆儀恭奉

玉冊敬揚

德徽恭奉

玉寶敬溯

恩輝

帝心式孚

精神式依百司具虔百禮具齊

璇霄煥赫自堂徂基符瑞合氣集於

昌期惟

德揆合徹乎薌棗

皇祚孔延

皇化孔綏

四章

錫福砥平鮮原是營州邑是程有倬其城有伉其闕  
有準其承有直其繩以式庶卿以乂庶氓以審涂軌  
賡以同律量衡

帝御黼座日臨觚棧

雙闕雲遶

鳳樓霞蒸誅蕩八門峇堯十亭襟帶千里浥注四瀛  
實百度是貞實百福是并實

規矩訓行實逢

大禮慶成 五章

敬湖

文皇時

鳳閣煥彩以譚書史致同文同軌



文思文治綿萬萬載峇峇崇構

文湖斯在

帝光來臨瑞氣騰倍芸籤整比芝栢爽境四庫精英  
萬卷模楷六經一原千聖同揆崇深

秘笈山噴礪瑰琳琅

寶篋玉函珠琲自淵源津逮萬川所匯探星宿之區  
貫朝宗之水萬國一尊東注壘壘是真蓬瀛會歸於

大海 六章

帝臨

崇政需雲黻  
鍵天閭斗車紫垣沆  
瀛月卿拱躔星海  
環派簫韶鏗  
鉤香雲醜醜喜起  
歌舞一氣和會

黃幄青峯暄陽翠靄

溫綉如春滂施湛滅

特蠲丁糧式廣

恩賚遍及村氓  
荷鋤秉耒童叟扶携  
香花跪拜於京  
之野瞻依愛戴

帝撫皞熙

天顏霽鵠鳩杖之嬉粟帛斯沛雞竿之宥肆青斯貸  
加額膠庠晉秩僚采稠疊

恩言海天疇載吹萬祥風溥暢乎無外

七章

金風暘晴

六飛徐行望山眺海雲輝日晶三關翠圍三江綠滌  
北鎮雄尊玉蓉削成萬年靈封

帝親勒銘邈迤衆峯迴互送青雲開雪合圓鏡大瀛

澄海高樓

睿照益澄

御藻高懸元氣所并挈  
釐地維俯瞰八紘萬山拱翼  
萬川洄渟萬樹丹黃萬籟韶譔  
允澤多益貞固茂承  
胥

鴻鈞一氣而

單厚是膺

八章

喜氣徹於海天時和旣宣  
律暖且妍陽春載旋得瑞

於春先隨

輦載沿冷風不寒  
坻京接連黃茂氣  
全萬寶獲駢耆  
牧孳蕃百嘉慶聯

萬祜長延

慶成禮虔

慶霄福圓三秋

澤綿八表騰歡詞  
垣慶編於億萬年  
九章

聖駕東巡恭謁

祖陵頌

謹序

謝 壩

臣伏惟邃古之初六紀九十一代天造草昧靡

可得而稱矣載籍所傳五百歲而王者興然神

聖挺生重光奕葉長發其祥揆之元會運世之

符殆數千年始一遭其盛也昔在帝堯承統自

唐帝舜登庸自虞其後至於海隅率俾四表光

被厥號無改詎非以舊國舊都天眷與宅固聖

人之所永言思慕者哉有周宅鎬京朝洛師無  
思不服而周召二公爲詩上追姜嫄履武后稷  
肇祀中及公劉依京館翻太王來岐胥宇近則  
文王作豐築城伊瀆由是觀之古哲王於其先  
世肇基之烈旣述其德而續修其緒以垂爲訓  
典又必絃之歌之誦之舞之職在太師以教胄  
子故顯鑠昭融至今炳耀於史冊自漢迄明闕  
年二千有合有分有促有延未有始基靖民盛

德世祀光於前古者也區區沛邑湯沐太原紀  
功南陽帝鄉中都置守固已末矣洪惟我

太祖高皇帝之經始

盛京也仰占析木之次俯定艮山之位倚長白以  
爲屏貫遼水以爲帶樹蒙古以爲藩躡朝鮮以  
爲裔居天府之地西向而俯神州固將統六合  
而一家焉

太宗文皇帝受



天命式廓用增協和萬邦莫不震疊惟時禮樂修明  
百度具舉蓋

聖

聖相承所以撥亂興治創制天下自顯庸者咸在於  
是洎夫混一區夏應天順人風雨所會陰陽所  
和考卜於燕爲寰宇之大轉而以

皇天基命實惟大東

原廟衣冠

神靈所御

世祖章皇帝用建

陪都焉

聖祖仁皇帝用效

法駕焉敬惟祇奉

山陵尊嚴

祖考報本返始事追來孝也

世宗憲皇帝

藩邸時曾奉

命祇謁

御極以來釐萬幾負百度十三年中日不暇給而夙

夜兢兢所以迪

前光永錫祚者未嘗一息忘也我

皇上聖德紹衣欽繩

祖武在庭陟降繼序勤思粵惟

御宇之年歲在癸亥敬謁

橋山暨甲戌戌越今歲癸卯

玉鑾西展溯自上古以來永世克孝續緒篤祐孰有

若

聖躬之康強逢吉開第八表而

永念天作保艾無疆者也亦孰有若

聖德之覆壽普濩統數萬國而奉若

先型引翼勿替者也

臣

伏惟

國家土宇版章亦孔之厚

聲教所暨咸自東而西故基於俄朶興於赫圖阿  
拉大於瀋陽而後一統於燕京我

皇上聖武遠揚北庭西域編戶受吏者方二萬里達  
於西海天之所覆罔不在宥而

睿慮永惟

布德兆謀成邑成都

膚功耆定

謨烈顯承以

佑啟後人以對越在

天駿奔在

廟昭鑒在下所由綏我思成也至於率作興事光賁

典物以

善繼善述信乎

聖人之德無以加於孝矣臣竊因肄業所及核舊典

證

新猷於新葺

天

地二壇肆類格禋燔柴縮鬯仰見

昊天有成命之單心也於

五朝舊

冊寶藏諸

太廟宗藩將事

鑿輅親臨同那之祀湯清廟之事文也於展謁  
堂子覘我將之夙夜畏

天也於展謁

文廟符鑄京之講學行禮也於臨御

大政殿符旱麓之受

祖也於撫存

宗器符篤公劉之鞞琫容刀也於錄舊展親符江漢  
之自召祖命也於行圍較射象車攻來同洛水  
作師也於崇

文溯閣景雲漢之昭回也於築城垣繕壘道合文



王有聲之王功伊濯也而於是

蠲惟正之供所以惠農者渥焉

普行間之資所以恤兵者周焉

廣膠序之數所以造士者殷焉

優粟帛之頒所以養老者豐焉

沛三宥之

詔所以肆眚者至焉建北鎮北海遼河渾河松花江

諸神廟

躬祀遣祀圭幣有加百神懷柔於

懿德矣朝鮮使臣奉表祝

釐飫

湛露捧

奎章外藩涵泳於

聖涯矣扈

蹕除道大小諸臣寮升階晉秩優敘有差班聯蹈舞

於喜起矣

皇清文獻通考卷之三  
三  
聖天子方穆乎撫馭丕基勤思

締造若

太祖高皇帝薩爾濟一戰雲雷邁會

遺烈如新

親製鉅篇勒諸厓石以垂法守而裕後昆至於

四巡所著疊韻連篇一本

廣運之神以揚

思文之烈振振麟趾珥筆書之弄諸金匱石室億萬

載

祈天永命之原也溯自春謁

西陵以洎

回蹕謁

東陵告

奉先殿

聖懷優肅瞻戀滋殷與虞書格於藝祖洵若合符節

也

大禮旣蒞

升殿受羣臣朝誼軌上儀鏗鉤炳耀昭諸典冊被諸  
筦絃用叶韶箠而姬雅頌古所稱樂樂其所自  
生禮不忘其本蓋積德累行也深故保世滋大  
也久聿惟成周發迹西岐一家數世聖人以開  
八百年之基至三千餘年而我

大清勃興東土

列聖之傳鍾毓更盛

皇上拓土遐馭弼成

先業

帝車所指萬國來同燕翼

詒謀紀綱大定有非豐鎬遺規所可比隆者已

臣學

殖卉陋猥荷

聖明特達之知躋卿貳直

禁垣

禮成之日會疊膺江左使

命不獲奉

屬車清塵以展采錯事用竭愚忱作頌一篇冀揚  
聖天子之至德要道於萬一其詞曰

皇巡自東

六飛四舉計里逾千閱歲逢五率履紹衣敬

宗率

祖煌煌

冊寶輝映鐘簴薦舊薦新有秩有序

三陵我躬奠潔俎神樹交榮神駒欲舞佳氣遙占  
隆文有楚

陪京是臨九遠八戶

御殿受朝

愷澤滋溥僚晉華階農羸四繡青衿廣員衿服增粹  
皤皤飴耆溫披綺紵揭揭雞竿跡空囹圄三韓使臣  
拜表祝

嘏



帝曰賚之酒醴維醕照耀

奎章琅函永貯載闡

上儀光

前之緒肅肅

蒼壇琮璧在序輝輝

秘閣朱碧按部岳祇瀆靈均侑清酌葛芑瓜繇重襲  
茅土高墉言言用固疆圉疊道庚庚用恤徒旅曰尙  
間崖曰薩爾泚百戰山河

遺烈儼覩

鴻文磨厓昭茲來許勁甲威弧綃幃葛炬

儉德式崇珍諸故府

四巡四編億禩繩矩

極溯

思文

業承下武於萬斯年疑庶篤祐

聖駕東巡恭謁

祖陵頌

謹序

吳省欽

臣聞聖人之孝迪以誠亦程以禮誠至而禮益隆是以返本復始追遠而如近在廟則有日祭月祭時享歲祫其祭於陵寢也或闕歲一舉或間世一行漢唐諸君謁陵上食諸儀布在方策可考而知然未有上儀誼軌垂型億禩如今日者也恭繹乾隆四十三年戊戌

東巡

諭旨述

祖烈之煒煌徵地險之扼隘準以十數年後再修上陵之禮

命闕三年

簡皇子代行展謁迺

詔旨云十數年而行之甫及五年是知

聖人之孝積於中而發於外苟弗躬弗親卽誠虞或

闕彼沾沾扳虞典爲推輪者不亦慎乎

玉鑾將啟

命親藩齋舊

冊寶尊藏留都之

太廟徵實符名爲禮之宜

郊壇新葺

神堂申虔爲禮之大詣

文廟

臨文溯閣四庫全書亞帙是儲奎壁有耀

翔鳳之規紹矣遡澗之義用光爲禮之文載陳

宗器甲冑弓矢葛燈綃帳是

訓是行服之無斃

申命冏吏置頓祇循

行帳舊規弗以彌文滋費爲禮之質新葺北鎮北

海遼河渾河松花江諸神廟落成

躬祀遣祀咸秩無文一十八所城垣僦工適觀厥成

過追來孝爲禮之備

升殿行慶扈

踣諸臣除道諸司錄敘晉級有差蠲租庸賚耆艾  
倭又惠戎行肆薄管諸宗藩勲戚祚

賜爵壘

賜醑配食

宗祧永永弗替洎朝鮮使臣拜表祝

盪光錫天藻用嘉蓋忱爲禮之優

茂典禱而夙越曩紀非所謂制度在禮文爲在禮者  
歟若薩爾汗尙間崖松山杏山大凌河諸地百  
餘年來壁壘湮烽烟息矣而

旆鉞指揮轄辛締勦經綸雷雨萬葉靈承

大文以紀之貞石以壽之攄

天章樹謨範四帙成編韻若疊璧冑筵敬弄聰聽弗  
諛俾憬然於叔守之維均而

陟降紹庭之匪懈亮哉典則賅幽明格要皆本於



聖天子優煥愴怵之一誠又何姬宗祭畢漢祖過沛

之足云乎

臣

簪毫

講幄職司記注

禮成之日適自漢舉報

命不揣顛昧謹拜手稽首獻頌曰

皇帝繼序四十八載法

天健行以善繼述

叶

惟濬惟遼

念作邦對

叶

列祖舊田我畬每每優乎愾乎

橋山斯在陟降京原于依是逮木拔道通咀艱孔疢  
億祀承平念

祖修德

叶

匪遊匪觀日期可久

叶

今歲癸卯八月己

亥

啟鑿山莊循柳邊外

叶

礪假

列祖

興京在邇殷則有亳漢則有沛

叶

巋然

永陵穹崇高峙元氣苞含

啟運萬禩葉葉神榆星光肆施

叶

生民維何旣昭假

爾若周有邵茲焉卽室

叶

迺謁

福陵

天柱隤隗百貊跨躡六合橫被勁甲十三

神功駿偉如周館豳止基迺理迺謁

昭陵闕宮雲起二白權竒颯爽風駛峩峩

隆業天挺應期

叶

如岐與豐式廓周軌

世德作求對越用偕

叶

帝莅陪都孔洽百禮

天

地

祖

宗

壇壝新只翼翼敬孚九操肅儀

叶

五朝懿稱金書玉字

叶

示於

世室適晉惟舊叶大文有本載溯其始閣倣天一全

書是皮

帝御舊宮需雲浹凱稱彼兕觥簪紳濟濟東藩有臣

末班稽首叶奏言臣祿祝

鰲虔使

帝嘉乃誠

摘詩示懸爰陳

彝器甲冑弓矢

開造其勤櫛風沐雨

叶

瞻仰祇承

德聞紹衣

叶

帝念舊邦金墉藉衛

叶

十有八所作新堞雉適觀厥

成苞桑永繫

叶

帝曰闔澤首曰藏富

叶

豁其畢逋萬億及秬員增於

鬻商歌於市與氓自新貫及輕皐黃髮番番習鄉尙

齒粟帛是將眉壽介祉習射詰戎肄我武士武士桓

桓

軒皇所遺叶獎以勵之衿服樂愷

眷爾從臣逮爾司吏叶負緘清塵

賜級與紀

帝秩精禋瀆淳嶽嶺谷王朝宗底於北海諸

廟維新瑄薌賁采我

皇來巡今茲數四叶規疊矩重

天章雲曄

王業艱難一再三致叶

申命世守分年次比迺謁

東陵告成於

禰十月既望

天子當宸百辟蹈舞慶

孝之至

叶

永言維則萬有千歲

叶臣

職記注珥管敬

待



聖駕東巡恭謁

祖陵頌

謹序

蔣子蒲

臣聞峯迴浮肺尊盧媿媯谷之封系衍方牙太  
昊哀風陵之號閔玉鈴於埤野茶水攢沙護劍  
寫於鼎城橋山紀跡穀林通樹詎修雕俎之禋  
梧野沿譌罕訂珠邱之壤煌哉翠籙炳矣丹騰  
亘古以來於茲爲盛欽惟我

皇上迹繩下武極溯思文稟祇通於紹衣遵不違於

率履念遼瀋同幽岐之土

三幸申虔惟關城控山海之交萬年篤

祐星回五稔恰符輯瑞之期霜降九秋彌切見羹之

慕屬者黃圖慶洽白阜躔恢葱山輸候月之璆

蒲海現騰虹之彩爰采球琳之美券絢十華聿

鐫礎葉之文纘陳

五廟器惟求舊移

闕寢以儲珍禮必從宜

命親藩而將事啟星輅於翠甸錦藉恭齋

駐日馭於山莊鸞旌夙戒庚郵減潦占期特緩三旬

戊尉執爻曲脰頻呼

萬歲水輪激灑拱北極之紅雲霓罕迤邐聯東都之  
赤芾瓊廬作頓儉除絳闕之雕隳炬開糊勤報  
丹毫之諾訪漆沮之朴俗依然蹇斐呼蘭攬燕薊之  
雄封屹若代岷札喀龍旋天柱敬瞻

紫隧丹岡塊圮地維永護金鐙玉匣溯貞符於朱果

四祖如臨攀神樹於青柯

一人有恪十三勁甲軼漢祖而開基大小名駒邁唐

宗而著畧明粲潔瓚敬孚

陟降之靈嘒管淵鼓畢協鏗鏘之律誕移

法駕相東澗之神臯言蒞

陪都覘南陽之佳氣葺

壇培

璽契玉璽以延洪縮鬯燔柴齊璿圖而顯耀閃黃旗

而告禡九部懽威煥碧瓦以妥

靈重龕侑竝遊麟舞鳳敬思新美富之牆振玉聲金

聰聽紹

君師之統挹淵源而悉歸于遡澗

祿閣宏開儗奎壁而肅侯

鳴鑾瑤編燦列猶弓滿月九和欽

宗器之陳犀甲凝霜七屬誌

祖功之懋劭

淵懷於披牘綃帳晨懸緝

邛治於求衣葛燈宵朗凡此斟元而普化一本揚

烈與覲

光若夫典洽懷柔勢維屏翰披圖度地給太府之

金錢計堵鳩材儲司空之繩版視公侯而定秩

大旅登馨制參伍以宏規落成

憩軫萬靈翕習

望祀偕

遣祀明虔千楫縣延已經迄未經交鞏於是雞人踞

且

鸞仗攢星珉砌肅而雙旌排金鏞撞而九賓聚右賢

左戚侍

當宁於繡屏百濟三韓達象胥之棊幣晉日接

山龍之飾紉纓凝禔需雲肆牢醴之筵軒龔志喜展  
親錄舊載酌松楸加秩酬庸永盟帶礪餘三藏  
富旗莊暨蔀戶胥蠲吹萬宣無衲服偕青衿俱

奮鳩筇載道臚呼嵩祝華之歡鶴髮趨風擦白  
粲文縑之

賜汎松花而剖玉鴻海洞瀾縈烏拉以澄軒蟀胎暈  
月青極綠葉鹿苗伴仙客之貽毳薰黃紕貂珥  
緜貴游之服堪達漢比熊羆填谷解網徵

仁海東青頡雕鵠翻雲高墉占吉坤輿毓處超夷堅  
伯翳之經

天藻霏來譜初慮將陽之奏述燉原之締造櫛沐思



艱覽羅翼之規模憑依在德釐成四帙邁橫汾  
寶鼎之章貽厥萬年陋置酒歌風之會玉衡方  
指遙瞻

楓陛以氾塗

瑤蹕云旋仍展

柏城而瀝醞憶

五巡於南國同敷豐澤玉林洽百禮於東圻共仰

宸衷寅亮茂矣美矣唐哉皇哉

臣下

自惟譴陋僅比輪

材幸沐

寵恩初膺詞館慙未工乎筆札矧繪天賦海之無從

竊有願於賡歌如蠶測管窺而莫罄祇揚

誼軌敢佈微忱謹拜手稽首而作頌曰

惟

天眷

聖惟

聖率

祖寶錄既膺茂典三舉曰惟纘

緒曰惟繩

武五稔星回不遑寧處

一章

山莊諷吉

駕言巡東四十八部罔不率從周廬勿飾栝柱蒿宮

吉林首路嘉乃淳風

二章

三關屹然

三陵峙焉天柱隆業左右蜿蜒神樹矗幹神駒晃權

我

皇莅止敬侑嘉籩

三章

嘉籩侑矣嘉樂奏矣我

皇受釐介眉壽矣曰薩爾濟曰尙問崖紹庭具邇

格享是來

四章

迺蒞

陪都

郊壇是崇有嚴有翼置幣陳琮迺丞髦士迺展辟雍

觀文遡澗

翔鳳雖雖

五章

帝有恩言大開明堂賚我勲闕厲我戎行者有溫帛

戶有餘糧枌榆樂土億禩承慶

六章

惟醫巫閭虔安嶽靈惟雅爾哈永奠北溟遼河混同

丹堊飶馨雄城屹屹睥睨郊坰

七章

金函玉冊

宗器聿陳卿雲華日

睿藻璘彬朔月之吉獻朝

紫宸於萬斯年仰頌

堯春

八章

皇元孫誕生頌

謹序

謝墉

乾隆四十有九年閏三月癸亥

皇元孫誕生於

京師嘉問達於

行在

皇上永惟

昊穹靈貺

餘慶所鍾爰取義於大雅皇矣之三章命以嘉名以

昭

上帝監觀

世世修德之美於時薄海之內含識之倫靡不悉聽

抃舞以昭

國慶况臣受

恩陳力又嘗侍

諸皇子

皇孫講讀屬茲千載一時不可逢之嘉會



盛德形容敢忘一得稽古哲后黃帝文王咸以耆壽  
在服獲多男之慶黃帝之子二十五人文王百  
男登於樂師載在外史而青陽倉林小宗得姓  
魯考蔡荒不聞生當二后之世洎夫穆王百年  
享國乃告童孫衛侯九十有五猶稱抱子雖書  
闕有間然子姓遲速之數畧可睹矣自是以後  
昭王季世秦始皇蹶生孝武征和公孫方震齊高  
四世之基鬱林太翁之對大同之育仁遠天寶

之降雍王至元在御真金得孫孝陵暮年建文  
生子計自共和以底於明歷年二千四百有五  
建國稱尊者二十九姓二百三十八君而降年  
有永下見曾孫者僅一王六帝蓋若斯其難也  
至於元孫則書契以來未之前聞其有草澤靈  
蹤方志所紀青城服杞南陽食乳曠世而一覩  
猶或侈陳口實以爲美談敬惟

聖朝朱果發祥仙源遠濬

列祖

列宗寅威寶命貽燕篤慶覆以懿鑠

本支千億穆穆皇皇雖復麟趾振振瓜瓞綿綿莫覲  
斯盛也若木天潢分支別派篤生竒瑞爲生民  
所未有曩者

皇上渙發德音以

皇曾孫年及成人考禮定秩用垂

國典且以昏禮有期卽第四輩

皇孫誕降匪遠吉夢旣占靈圖聿啟先天弗違益

永無疆之

壽則來臯仍雲弄璋在抱直且暮遇之矣臣伏惟

皇上康強逢吉

弗祿綿長爲自古帝王所莫逮茲

孫又生

孫丕顯奕世

五世之親備於

帝室

國史書之豈夫天降甘露地出醴泉諸福之物可致之祥所得比其

吉佑者哉在昔螽斯誌美猶以公姓公族流播聲詩傳於後世矧茲曠古帝王未臻之盛事

至聖福德感應之休徵乎用竭愚思敢獻嘉頌其辭曰

木德司春生氣方盛元鳥應時大餘惟令

天錫上瑞秀茁

金枝協於

帝年自古所稀

鸞旂在塗江南春藹四海爲家

一堂

五代名以

命之爰叶其祥

詩以紀之爰篤其慶

省方旣旋吉日祇見

天顏載愉

皇心則燕太和元氣充於域中惟

皇錫福受報收功

天降百祥繩繩無極元之又元時萬時億